



Universitätsbibliothek Paderborn

**Libelli Cvivsdam Antverpiæ Nuper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Decimoquinto ostenditur nunquam in republica Iudaica talem concessam
esse libertatem, quae Babylonicam confusionem afferat.

urn:nbn:de:hbz:466:1-30345

56

ditione conturbarant : non increpari du-
rè Cretenses voluisse, ut essent sani in fide: *Titum 1.*
non venturi temporis (in quod profectò
nos incidimus) lugendum in religione sta-
tum periculaque deplorans , diceret : Erit *2.Timo. 4.*
tempus cum sanam doctrinam non sustine-
bunt: sed ad sua desideria coaceruabunt sibi
magistros prurientes auribus , & à veritate
quidem auditum auertent, ad fabulas autem
conuententur . Futurum hoc magis magis.
que B.Apostolus præuidebat : ac ne bono-
rum opinione celerius , dira contagia per
incautum vulgus serperent , vigilantiae at-
que disciplinæ, quo mature propulsarentur,
in uno Timotheo , quemlibet Episcopum
admonerebat . Scilicet in his omnibus patro-
num agens expertæ huius impudentissimis
& votis & vocibus perniciosissimæ liberta-
tis . Quam libertatem qui permitti in Ec-
clesia docent oportere, nihil aliud sanè mi-
hi quam Babylonem iterum ædificare velle
videtur.

SIC enim aliquando se habuit impia ci- *CAPPTE*
vitas , in qua de Deo & mundo , de bono- *X V.*
rum malorumque finibus, quod quisque de-
lirarat , impunè tradebat , & sibi discipu-
los facere scholasque studebat : Cum enim
essent innumeræ propemodum philoso-
phorum dissensiones , quis vnquam popu-
lus,

D 2

lus,

lus, quis senatus, quæ potestas vel dignitas publica ciuitatis impiæ, diiudicandas illas, & alias quidem probandas ac recipiendas, alias improbandas repudiandasque curavit: ac non passim sine vilo iudicio confuseque habuit in gremio suo tot controuersias hominum dissentientium, non de agris ac dominibus, vel quacunque peculiari ratione, sed de his rebus quibus aut miserè viuitur, aut beatè? Vbi etsi aliqua dicebantur vera, eadem licentia proflus & falsa ingerebantur: ut non frustra talis ciuitas mysticum vocabulum Babylonis acceperit. Quippe Babylon idem valer, quod si Latinè confusionem dixeris. Nec verò intererat diaboli, qui eius est princeps, quām contrarijs inter se corrixarentur erroribus, quos meritò multæ variæq; impietatis omnes pariter possidebat. Iam velim Dei ciuitatem, quam sibi temporibus ijsdem in Iudaico populo construxerat, mihi paulisper contempleri (ijs tamen diebus depositis quibus non erat Rex in Israel, sed unusquisque quod bonum sibi videbatur, hoc faciebat: quos dies hodie multi nobis si possent reuocarent) ijs igitur diebus exceptis, nunquid illa diuinitus instituta ciuitas pseudoprophetas cum veris Prophetis pari licentia aliquando confudit? Nónne soli in ea concordes inter se at-

*Liber Iudicii
capitulo 17.*

que

que in nullo dissentientes sacrarum litterarum agnoscebantur & tenebantur authores? Et animaduerte quælo quæ fuerit pseu-
doprophetis tum concessa libertas. Pro-
pheta (inquit) qui arrogantia deprauatus,
voluerit loqui in nomine meo quæ ego non
præcepi ei ut diceret, aut ex nomine alienorum Deorum, interficietur. Et rursus:
Qui superbierit, nolens obedire sacerdotis *Deut. 17.*
imperio, qui eo tempore ministrat Domino
Deo tuo, ex decreto iudicis morietur homo
ille, & auferes malum de medio Iſraël.
Quis verò quantusque fuerit populi feruor
aduersus eos qui moliri aliquid contra Dei
legem viderentur, declarat illud, quod dicunt
tribus Ruben, Gad, dimidiaque tribus Ma- *Iofue 22.*
nassæ adficasent ad Jordani tumulos alta-
re inusitatæ magnitudinis, non quo sacrifici-
cium ibi vllum offerret, quod non nisi uno
in loco, quem elegisset Dominus, facere
phas esse non ignorabant: sed quo se hoc
velut manifesto indicio ad eiusdem po-
puli societatem pertinere declararent, nec
communione idcirco separatos, quia lo-
corum interuallis interiectis discreti vi-
derentur. Hoc tamen eorum non satis pri-
mum perspecto consilio, cæteræ tribus e-
uestigio tanquam in sacrilegij vltionem ar-
mantur: easque bello tribus funditus exci-

D 3 dissent,

dissent, nisi accepta satisfactione missi legati ardente indignatione populum placuisse. Ac Sadducæos quidem, quos resurrectionem inficiari futuram nullus ignorabat, postremis temporibus Iudei ferebant. Nec in eos quicquam legitur (quod equidem sciam) grauius ab illis constitutum esse. Sed quis eos ob id neglectum mereri prudentiæ pietatisue laudem existimet? cur non hos iustius fugissent hæreticos, quam Samaritanos schismaticos, quorum sedulæ commercia societatesque vitabant? non

Iacobus 4. enim contrebant Iudei Samaritanis: vlaque adeo ut cum potum Christus à Samaritana petisset, admirans illa dixerit: *Quomodo tu Iudeus cum sis, bibere à me poscis, quæ sum mulier Samaritana?* Cum autem blasphemos è medio tollere lex diuina iuberet, nec Sadducæis parci oportuie, qui eousque blasphemi erant ut ipsam diuinitatem tollerent, cum & angelum & spiritum ullum esse negarent. Quorum non mox

Actorum 23 oppressis initij, procedente tempore exca sic hæresis inuaultit, ut sensim collabente veteri sacerdotio, quod Dominus predixerat auferendum, etiam huius sedem occorrum 5 cuparint. Sic enī scriptum in Actis est:

Exurgens princeps sacerdotum & omnes Galatib. 5. qui cum illo erant, quæ est hæresis. Sadducæorum

cōrūm, repleti sunt zelo, & iniecerunt manus in Apostolos, & posuerunt eos in custodia publica.

Cū igitur in aperto sit, non sic tum **CAPUT**
institutam fuisse Dei ciuitatem vt libera **X V L**
cuique potestas esset quæ vellet de religio-
ne statuendi, nos sic instituendam esse nunc
Christi Ecclesiam arbitrabimur, vt impunè
quamlibet religionem in ea quisque profite-
teatur? & cuni pseudoprophetas illi in sui
temporis Ecclesia minimè tulerint, nos
cum veritas & illuxit apertius, & corroborata
est firmius, in Christiana domo atque
familia quoslibet quæ somniauerint profite-
ri patiemur? Atqui meminisse nos oportet
Ecclesiam Catholicam, Christi videlicet **re. manus**
sponsam & amicam, sic diuinis in litteris
commendari, vt esse dicatur terribilis sicut
castrorum acies ordinata. Non est autem
ordinata castrorum acies, vbi miles quis-
que, contemptu ducis imperio, se profitetur
quod libuerit aggressurū. Meminisse opor-
tet Ecclesiam Christi esse in terris regnum:
vt certis, sicut in regno bene constituto so-
let, viuendū esse legibus cogitetur: esse Dei
domum, cui patrem familias vnum præfec-
erit, ad quem debeant familiæ negotia cuncta
referri: esse vnu ouile, in quo pastori vni sic
obtemperādum, cui peculiariter dictum est:

D 4 Pasce

Cantic. 6.